




Kalkomp

53172

I Mag. St. Dr.

P

*Carmelitas. Dinalucati. Conclusiones philo-
sophicas ex tribus libris de anima.*



CONCLVSI-
O N E S
PHILOSOPHICÆ.

Ex Tribus Libris de ANIMA,

Ad Mentem Aristotelis &

D. THOMÆ



Explicatæ.

Et à

FF. CARMELITIS DISCALCEATIS

Publicæ Concertationi.

Sub tempus Sacratissimi JVBILEI.

EXPOSITÆ.

Anno Domini, 1651. Mense Septembris die

C R A C O V I Æ,

Apud LVCAM KVPISZ, S. R. M. Typ.


By 1. 6.

In
ARMA WARSICCIORVM VETVSTISSIMA.



DEI VERBUM, Alpha dicitur. *Apoc 1. Cap.*

Alpha Dei Nomen, gaudet monogramma vocari
Numen; sic VERBO litera seruit Aleph.
Stemma Domus vestrae, geminum manet Alpha; ligari
Libertas vetat id: Mars ligat illud, & Ars.
Cerue, tridens Marti micet ut: quid consonet Arti?
Id sonat: hæc superos litera spectat amans.
Perlegat ipse Polus, noscet conforme Tonanti
Nomen id; Hæc VERBO, litera nota Deo.



Illustrissimo & Magnifico Domino,

D. CASIMIRO

DE WARSZYCE.

WARSZYCKI

PALATINIDÆ MASOVIENSIS, &c. &c.



E rupeo Carmeli Parnasso in Aristotelicam

*Animata Scientiæ Palastram; Pallas nostra, Tuis ABDAN-
CIIIS instructa Armis procedit, Illustrissime ac Magnificæ
Domine. Sed quid est, quod Tuis Illustribus insignita Armis,
in Olympicum scientiæ campum, cum hoste congressura properat? quid sub
Echidneum Bellici Stemmatibus Tui signum, velut sub Inuidiissimum, quo
protegatur, scutum, anhela contendit? An non decebat magis peltis,
Sardorumq; armatam pugionibus? nunquid non convenientius videbatur,
Romanorum Atheniensium, Carthaginensium, Pænorum, Troianorumq;
clypeis, lectissimo colorum genere distinctis, vel draconibus, Leonibus, ac
Elephantis, aut Mineruis, Vlissibus, Neptunis, nec non cæteris sapientissi-
mæ Antiquitatis Numinibus insignitis instructam? Numquid inconcinnum
fuerat, Lacedæmoniorum laticæis, Medorum salaricis, Persarum romphæ-
is, & alterius exemplo Dianæ, Sarissis, iaculis acinacibus, sagittisq; hor-
ridam, Bellacem Palladem nostram, medias inter Philosophicas legiones,
insilire? Gloriosissimam & sic armata fortasse, tulisset victoriam, sed ve
angustiores pariat triumphos, Lerneis Martiæ Vetustatis postpositis Mon-
stris ad ABDANCIA Tuae Protectionis Arma, maluit declinare. Præ-
sciuit namque, quantæ sit felicitatis, sub ABDANCIIIS Nobilissimæ Do-
mûs Tuae Armis decertare: Nouit illa bene, Illustria Tua Arma, tribus
lineis, ab imo simul iuncta, sursumq; disunctim tendentia, victoriosas
lauros, triumphalesq; palmas portendere. Vnde etenim in Illustrissima Do-*

mo Vestra, tam frequentes victoriae & triumphus, quam ab Armis? unde
amplissimi honores, & sublimes dignitatum gradus, quam ab Armis? unde
honoratissima Thesaurariorum Claves, & imperatoria clausa, si non ab
Armis? Unde Senatoria Subsellia, & praecelsa Palatinatus fastigia, nisi ab
ijsdem Armis? Haec, haec, eadem Arma, & Tuam florentissimam iuven-
tutis aetatem, Illustrissime ac Magnifice Domine, condecorant, & magnum
quid ominentur. Sed quid ominentur, cum iam per ingenitae Tuae virtutis
Nobilitatem, & per Clarissimum sanguinis Tui Decus, Aurum Auro, vel
potius, Arma Armis, Illustrissimorum exemplo WARSICCIORVM
addere; cum iam Fabios, Metellos, Hercules, & Catones, integerrima
victoria, virtute, Scientia. Fama, ac Religione, emulari: cum Tua signa Mi-
litaria, non Romanorum instar, alieno Ducis nomine, sed hereditaria, ge-
minata litera VV notare, iam iam, ^{locus} in triumphum ducere videaris. Et
quia tantopere, Sarmatico Polo, Martiae Magnanimitatis Tuae illuxerint
Arma, ad haec Pallas nostra, & protegenda & fouenda, humillime recur-
rit. Hanc ergo Tibi Sacratam dicatamq; benigno serenoq; affectu prosequi,
& sub praefatis Illustribus Tuae protectionis Armis praefari, vincere, ac
triumphare patiaris.

CONCLVSIONES PHILOSOPHICÆ Ex Tribus Libris de ANIMA.

I.

Inter omnes Partes Philosophiæ naturalis, nobilissimum obtinet locum Scientia Librorum de Anima. Cuius sicut obiectum vt Quod. nimirum Corpus animatum. Cateris eiusdem Philosophiæ Naturalis inadæquatis obiectis est excellentius, Ita eidem maiorem præ omnibus tribuit dignitatem.

II.

Anima ergo, quæ dicit rationem constitutiua corporis animati, etiam vt includit Rationalem, duplici ab aristotele Definitione definitur. Quarum prima est & hæc essentialis, Anima est Actus primus Corporis Phisici, organici, potentia vitam habentis. Secunda verò Descriptiua nimirum. Anima est, quo viuimus, sentimus, mouemur & intelligimus primò.

III.

Dividitur verò ab Arist: adæquatâ diuisione in Vegetatiuam, Sensitiuam, & Rationalem. Quæ Diuisione non est Analoga, sed suo modo vniuoca. Cum hac tamen stat vt vna in altera contineatur formaliter: scilicet vegetatiua in sensitiua, & vtraque in Rationali. Quatuor rursus modi viuendi numerantur, vegetatiuum, sensitiuum, locomotiuum & intellectiuum.

IV.

Iacet Anima Rationalis, sicut & ceteræ, quæ sunt Animæ Animalium perfectorum non sint diuisibiles. Cor-

B

pora

pora tamen ab eis informata, diuersas habere partes ad suas operationes ritè peragendas necesse est. Hæc autem diuersitas partium, non prouenit ab ipsismet animabus, sed ab accidentibus in eis repertis. Sicut & diuisibilitas animarum imperfectarum à Quantitate.

V.

Sanguis naturalis, dentes, capilli, & cætera, quæ spectant ad integritatem Animalis, informantur eadem Anima, quâ totum Animal, saltim imperfecte, non tamen illa, quæ extra illud ordinantur. Sed habent suas formas substantiales, distinctas à Forma Animalis. Quod etiam de sanguine Nutritionali asserimus.

VI.

Quinq; sunt genera potentiarum Animæ, scilicet vegetatiuum, sensitium, locomotiuum, intellectiuum, & appetitiuum. Quarum organica; immediatè subiectantur in coniuncto ex corpore & Anima vt in subiecto adequato; non organica; verò in ipsamet Anima.

VII.

Anima vegetatiua, tres habet potentias, realiter & essentialiter distinctas, scilicet potentiam Nutritiuam. Augmentatiuam & Generatiuam. Potentia autem Nutritiua, non consistit in temperamento primarum Qualitatum, vel in solo calore naturali, sed est Potentia his superior vitalis, vtens prædicto calore, tanquàm instrumento. Cuius vnitas & distinctio specifica, sicut & omnium aliarum potentiarum, desumitur ab actibus, & obiectis formaliter sumptis. Vnitas verò & distinctio realis, ab eisdem actibus, realiter distinctis, & obiectis formaliter diuersis.

VIII.

Sensibile externum, diuiditur in Sensibile proprium, & commune & per Accidens. Commune autem rursus subdiuiditur

diuiditur in quinque membra, nimirum, Motum, Quietem, Numerum, Figuram, & Magnitudinem. Quæ tamen non imprimunt sensui speciem distinctam, à specie sensibilis proprijs Sed eam tantum modificant.

IX.

Positum immediate supra sensum sensibile externum, impedit sensationem, sicut & vehemens, non solum ut agens naturale, verum etiam ut agens intentionale, lædit ipsum. Qui circa propria sensibilia potest decipi per accidens & ideo raro, Circa verò sensibilia communia per se, & ideo frequenter, Frequentius autem circa sensibilia per Accidens.

X.

Lux distinguitur essentialiter à Colore. Quæ neque est Corpus, neque aliqua Forma substantialis, neque aliquid continens in se eminenter, qualitatem naturalem & intentionalem sed est Qualitas naturalis. Quam definiuit Aristoteles. Lux est actus Diaphani, secundum quod Diaphanum est. Estque necessaria ad visionem, non quidem ex parte obiecti, sed ex parte medijs, in quantum disponit illud, ad recipiendas species intentionales immixtas ab obiecto visibili.

XI.

Potentia visiva, cuius obiectum proprium & adequatum est color, subiectatur tum in pupilla, seu humore Cristalino in ea existente, tum in nervis Opticis. Et præcipue in illa parte, in qua prædicti nervi coniunguntur.

XII.

Auditus ut ad obiectum proprium, terminatur ad sonum, qui utcumque per hoc describi potest. Quod sit qualitas sensibilis, resultans ex percussione forti corporum sonorum, & resiliencia medijs. Subiectum verò illius, non sunt corpora sonantia, sed medium resiliens. Quod

quidem non potest esse corpus densum quatenus tale, sed solus àér, si sonus sumatur secundum esse naturale, si verò secundum esse intentionale, etiam aqua.

XIII.

QVando producit sonus communicatur statim medio tam secundum esse naturale, quam intentionale, licet ut audiat iussit, quod perueniat secundum esse intentionale ad aditum Echo generatur ex repercussione soni, secundum esse naturale. Licet etiam posset dici Echo, ille sonus, qui secundum esse intentionale repercutitur, Et tunc non est distinctus à directo, sed idem bis à sensu percipitur. Subiectatur autem auditus, in substantia àérea, intra aures residente, & nervis auditorijs.

XIV.

Natura Odoris, utcumque explicari potest, per hoc, quod sit Qualitas secunda, resultans, ex certo temperamento primarum, in qua siccum comprehendit humidum, Vt autem possit immutare intentionaliter sensum, requirit fumosam evaporationum. Quam tamen non est necesse peruenire ad sensum. Organum odoratus sunt Processus mammillares.

XV.

SApor, qui est obiectum Gustus, est passio facta à sicco Sin humido, gustus alterativa, secundum potentiam in actum. Cuius species septem numerantur, scilicet dulce & Amarum, pingue & salsum, Acetosum & Austerum Ponticum seu Acurum. Reliqui autem sapes ad has species reducuntur. Medium Gustus, est Caro, tegens nervum gustatorium. Qui per linguam sparsus, & ad Palatum pertingens, efficit organum illius.

XVI.

Sensus Tactus, eas solum percipit tangibiles Qualitates, Quæ sunt in obiecto externo, debite ei approximato,
non

non tamen æquales, sed vt sunt exuperantes. Et ad immutationem sui intentionalem, requirit primo immutationem naturalem. Medium illius est Caro, vt distincta à nervo tactorio, in quo Ratio Organi sensus Tactus consistit.

XVII.

Preter hos autem sensus externos, ipsa experiētia docet, dari alios internos. Qui sunt, sensus communis, imaginatiua seu Phantasia, Æstimatiua, & memoria. Qui non solum ab internis, verum etiam ad inuicem distinguuntur realiter.

XVIII.

Anima Rationalis est purè Spiritualis, in corruptibilis & immortalis. Cuius potentia, quæ in ea immediatè subiectantur sunt intellectus & voluntas. Intellectus rursus, subdividitur in Intellectum Agentem & possibilem. Primum est, abstrahere species à Phantasmatis. Secundum per eas intelligere.

XIX.

Obiectum Intellectus possibilis extensiuū seu essentialē est Ens seu verum in tota sua latitudine acceptum. Proportionatum autem seu intensiuum, pro hoc statu est Quidditas materialis. Pro statu verò separationis Animæ à Corpore sunt quidditates rerum immaterialium, quæ conueniunt in eodem gradu immaterialitatis cum Anima Rationali, à qua prædictus Intellectus dimanat.

XX.

Intellectus Possibilis, indiget speciebus intelligibilibus. Quæ formaliter sunt representatiuæ, suorum obiectorum, eiusdemque naturæ cum ipsis in ordine intentionali. Quarum impressæ influunt actiue in Intellectionem nulla tamen ex eis, potest directè representare singulare materiale. Licet hanc representationem singularis materialis, forma-

tem, & quodammodo directam, speciebus, quæ reliquuntur, ex præcedenti intellectu concedamus. Vnde nec Intellectus noster pro hoc statu potest illud intelligere directè. Eiusq; operatio semper dependet ab operatione Phantasie.

XXI.

PRACTICUM & SPECULATIVUM, non distinguunt Realiter Intellectum. Similiter quoq; ratio superior & inferior sed & Memoria, ut dicit vim conservatiivam specierum, & attingendi obiectum, ut antea cognitum, non tamen ut præteritum est ipsamet potentia Intellectus Possibilis.

XXII.

SPECIES intelligibiles, quæ relinquuntur ex præcedenti intellectu, & quæ immediate sunt, per abstractionem intellectus agentis, procedunt actiue, ab eodem Intellectu agente & Phantasmatis, ab illo quidem ut à Causa Principali, ab istis verò ut ab Instrumentis. Inter quæ hoc tamen notatur esse discrimen, quod priores procedunt ab ipso mediate, posteriores verò immediate,

XXIII

INTELLECTIO licet non sit actio, de Prædicamento Actionis, sed de Prædicamento Qualitatis, est tamen vera Actio. Quæ non solum formaliter, verum etiam tanquam res à re distinguitur à verbo seu specie expressâ. A Dictione verò, nonnisi formaliter modaliter. Quandoquidem dictio, solum modum quendam fecunditatis addit supra intellectiōnem. Ex hoc tamen non sequitur quamlibet intellectiōnem creatam producere verbum.

XXIV.

VOLUNTAS, quam imperfectiorem Intellectu esse asserimus. Licet sit libera, necessitatur tamen, circa Bonum in communi, necessitate quoad specificationem, Circa Bonum

ea Bonum tamen in particulari, prout consideratur in via
necessitati non potest.

XXV

In intellectus & Voluntas, omniaq: Accidentia, tam Spi-
ritualia quam materialia, indiuiduantur à subiecto for-
maliter sumpto. Quantitas tamen, hoc sibi speciale ven-
dicat munus, vt non solum à subiecto verum etiam à seipsa
indiuiduetur. Ac proinde duo Accidentia solo numero di-
uersa, etiam per absolutam Dei potentiam in vno eodemq:
formaliter subiecto non posse esse affirmamus.

XXVI.

Substantiarum verò materialium prima radix Indiuidu-
ationis, non est Forma substantialis, vel materia prima
nude sumpta, vel eadem cum Quantitate formali, vel cum
quodam modo substantiali, ab eadem & Quantitate resul-
tante. Sed ipsa materia signata Quantitate, seu qua-
tenus præhabet, hanc potius Quantitatem,
quam illam.



...in ...
...

XXV

...
...
...
...
...
...
...

XXVI

...
...
...
...
...
...
...
...
...
...



xxiv. 9. 12

Biblioteka Jagiellońska



stdr0016862

60